



সুখমার দ্বারস্থ

সংসারের হাল ফেরাতে
সৌদি আরবে কাজ
করতে গিয়েছিলেন ৪১
জন ভারতীয় শ্রমিক।
কয়েক মাস ধরে তারা
বেতন না পেয়ে সুখমার
দ্বারস্থ হয়েছেন।
শ্রমিকদের আশা ব্যবস্থা
নেবেন সুখমা স্বরাজ।

লিপিকা

আর্থিক

জখম চিন্ময়

পাঁচতলা থেকে
পড়ে গিয়ে
গুরুতর জখম
হয়েছেন প্রবীণ
অভিনেতা চিন্ময়
রায়। তাঁকে একটি
বেসরকারি
হাসপাতালে ভর্তি
করা হয়েছে।



www.facebook.com/arthiklipiepaper

Siliguri Office : Ph : 0353-2521544, Fax : 0353-2521545, E-mail : lipi.siliguri2015@gmail.com

৮ পাতা

₹ 3

Vol - XIII, ISSUE - 184

শিলিগুড়ি • রবিবার • ১৬ আষাঢ়, ১৪২৫ • ১ জুলাই, ২০১৮ • SILIGURI • SUNDAY • JULY 1, 2018

বিশ্বকাপ থেকে বিদায় আর্জেন্টিনার

মেসির চোখে জল, শেষ আটে পৌঁছল ফ্রান্স



হেরে হতাশ এলএম ১০।



জোড়া গোল করে ম্যাচের নায়ক এমবাঙ্গে।

ফ্রান্স: ৪ (অ্যাটেনিও গ্রিজম্যান ১৩, বেঞ্জামিন প্যাৰ্ভাড ৫৭, কিলিয়ান এমবাঙ্গে ৬৪, ৬৮)

আর্জেন্টিনা: ৩ (ডিমারিয়া ৪১, গ্যাব্রিয়েল মার্কাতো ৪৮, আওয়েরো ৯৩)

মস্কো, ৩০ জুন: আর্জেন্টিনা-ফ্রান্স ম্যাচে নজর ছিল যাদের দিকে তারা কেউ সেভাবে নজর কাড়তে পারলেন না। উল্টো দিকে সবাইকে চমকে দিয়ে নায়ক হয়ে উঠলেন বছর ১৯'এর ফরাসি তারকা কিলিয়ান এমবাঙ্গে। তাঁর জোড়া গোলার উপর ভর করে আর্জেন্টিনাকে ৪-৩ গোলে হারিয়ে কোয়ার্টার ফাইনালে খেলার টিকিট পেল ফ্রান্স। কাজান এরিনায় ম্যাচের ১৩ মিনিটে পেনাল্টি থেকে গোল করে এগিয়ে যায় ফ্রান্স। প্রথমে মাঝমাঠ থেকে কিলিয়ান এমবাঙ্গে দারুণ বল নিয়ে আর্জেন্টিনার বক্সে ঢুকে যান। তাঁকে ফাউল করেন আর্জেন্টিনার রক্ষণভাগের খেলোয়াড় রোহো। পেনাল্টির বাঁশি বাজাতে দেরি করেননি

রেফারি। হলুদ কার্ড দেখেন রোহো। পেনাল্টি পেয়ে দলকে এগিয়ে দেন অ্যাটেনিও গ্রিজম্যান। এর পর ম্যাচের ৪১ মিনিটে বানাগার পাস ধরে শট নেন আর্জেন্টিনার তারকা ফুটবলার অ্যাঞ্জেল ডি মারিয়া। বারের কোনো দিয়ে মারা শটটি বাঁচানোর জন্য ঝাঁপিয়ে পড়ে ফ্রান্সের গোলরক্ষক ছগোলারি। কিন্তু ডিমারিয়ার এই দুরন্ত শট বাঁচানোর কোনও উপায় ছিল না তাঁর কাছে। এর আগে ম্যাচের ৮ মিনিটে ভাল একটি ফ্রিকিক পান ফ্রান্সের গ্রিজম্যান। কিন্তু তাঁর শট গোলপোস্টে লেগে ফিরে আসে, ১৩ মিনিটে পেনাল্টি থেকে গোল করার পর ম্যাচের ২১ মিনিটে আবার ফ্রিকিক পায় ফ্রান্স। ফ্রান্সের তরুণ তারকা এমবাঙ্গে দারুণ গতি নিয়ে আর্জেন্টিনার বক্সে ঢুকে যান। তাঁকে ট্র্যাকেল করে হলুদ কার্ড দেখেন দারুণ বল নিয়ে আর্জেন্টিনার পল পোগো। অঙ্গের জন্য তাঁর শটটা গোল পোস্টের উপর দিয়ে চলে যায়। ম্যাচের ২৬ মিনিটে আবার গোল করার সুযোগ পায়

ফ্রান্স। কিন্তু তাঁর ছোট পাস বাঁচিয়ে দেন আর্জেন্টিনার গোলরক্ষক আরমানি। প্রথমার্ধে খেলা শেষ হয় ১-১ ফলাফলে। এরপর ম্যাচের ৪৮ মিনিটে মেসির শটে পা ছুঁয়ে দেন মারকেদো। ২-১ ব্যবধানে এগিয়ে যায় সাম্পাওলির দল। আনন্দে মেতে ওঠেন স্টেডিয়ামে থাকা আর্জেন্টিনার সমর্থকেরা। কিন্তু তাদের সেই আনন্দে জল ঢেলে দেন ফ্রান্সের ডিফেন্ডার প্যাৰ্ভাড। ম্যাচের বয়স যখন ৫৭ মিনিট তখন দুরন্ত একটি গোল করে স্কোর লাইন ২-২ করেন তিনি। ম্যাচের ৬৪ মিনিটে এমবাঙ্গের গোলে ব্যবধান বাড়ায় ফ্রান্স। এরপর ৬৮ মিনিটে আবার সেই এমবাঙ্গে শে। এমবাঙ্গের গোলে ফ্রান্স এগিয়ে যায় ৪-২ ব্যবধানে। ম্যাচের ইনজুরি টাইমে মেসির দুরন্ত পাস সার্জিও আওয়েরো থেকে গোল করে ব্যবধান কমালেও সমতা ফেরাতে পারেননি। শেষ পর্যন্ত ৪-৩ গোলে জয় পেয়ে কোয়ার্টার ফাইনালে খেলার ছাড়পত্র সংগ্রহ করল ফ্রান্স।

কলেজে তোলাবাজি বরদাস্ত নয়: মুখ্যমন্ত্রী

দুর্গাদাস বন্দ্যোপাধ্যায়

উচ্চ মাধ্যমিক পরীক্ষায় ভাল ফল করে কলেজে অনার্সে ভর্তি হতে পারছে না অনেক মেধাবি ছাত্র-ছাত্রী। অথচ অনেক কম নম্বর পেয়ে টাকার জোরে কলেজে অনার্সের আসন দখল করে বসছে বেশকিছু পিছিয়ে পড়া ছাত্র-ছাত্রীরা। অভিযোগ, কলেজের ছাত্র ইউনিয়নের মাধ্যমে মোটা টাকার বিনিময়ে ভর্তি হতে হচ্ছে। এই অভিযোগ নতুন কিছু নয়। বেশ কয়েক বছর ধরেই এমন অভিযোগ চলে আসছে। এবারে কড়া হাতে তার মোকাবিলা করলেন মুখ্যমন্ত্রী মমতা বন্দ্যোপাধ্যায়।

শনিবার কলেজে ভর্তি নিয়ে কোনও রকম দুর্নীতি তিনি বরদাস্ত করবেন না, দলের ছাত্রনেতা থেকে নেতা-মন্ত্রীদের স্পষ্ট ভাষায় নির্দেশ দিয়েছিলেন রাজ্যের মুখ্যমন্ত্রী মমতা বন্দ্যোপাধ্যায়। দলের বিভিন্ন সভায় বার বার ব্যবস্থা নেওয়ার ঈশ্বরীয় ও দিয়েছিলেন তিনি। কিন্তু কোন ওষুধে ছাত্র ভর্তি হওয়ার সময় টাকা চাওয়ার পুরাতন ব্যাধি নিমূল হচ্ছিল না। অবশেষে মুখ্যমন্ত্রী এ বিষয়ে কড়া ব্যবস্থা নিলেন। তাঁর নির্দেশেই, কলেজে কলেজে ভর্তি প্রক্রিয়া চলাকালীন পুলিশ পিকট বসতে চলেছে। থাকবে পর্যাপ্ত পুলিশ ব্যবস্থাও। পোশাক পরা পুলিশের পাশাপাশি সিভিল ড্রেসেও থাকবেন বেশকিছু পুলিশ কর্মীরা। কলেজে ভর্তি হতে এলে অনৈতিক ভাবে কেউ টাকা চাইলেই তৎক্ষণাৎ তাকে গ্রেফতারের নির্দেশ দিয়েছেন তিনি। এ বিষয়ে রাজ্য পুলিশের ডিজি ও কলকাতার পুলিশ কমিশনারকে প্রয়োজনীয় ব্যবস্থা নেওয়ার নির্দেশ



দেন। সোমবার থেকে যাতে কলেজগুলির বাইরে পুলিশ মেতায়েন ও দুবুন্দের কড়া সাজা দেওয়ার বিষয়টি সুনিশ্চিত করা যায় তারও নির্দেশ দিয়েছেন তিনি। ইতিমধ্যেই ভর্তির জন্য টাকা চাওয়ার অভিযোগে ২ জনকে গ্রেফতার করেছে পুলিশ। এ বিষয়ে কোনও রং না দেখারও নির্দেশ দিয়েছেন মুখ্যমন্ত্রী। এদিন তীব্র ক্ষোভ প্রকাশ করে মুখ্যমন্ত্রী বলেছেন, রাজনীতির রঙ না দেখে এই অসাপু চক্র ভাঙতে হবে। এ ব্যাপারে পুলিশ কমিশনারকেও নির্দেশ দিয়েছেন তিনি।

উল্লেখ্য, শুক্রবার মহারাজা শ্রীশচন্দ্র কলেজে ভর্তি করিয়ে দেওয়ার বিনিময়ে মোটা টাকা চাওয়া হয়েছিল। বাংলা অনার্সে ভর্তির জন্য ৮০ হাজার টাকা চেয়েছিল দুই ছাত্র নেতা। এই অভিযোগের প্রেক্ষিতে রীতেশ জয়সওয়াল ও লালসাহেব গুণ্ডা নামে দুই ব্যক্তিকে গ্রেফতার করেছে পুলিশ। ২৩ বছরের রীতেশ ও ২৫ বছরের লালসাহেব দু'জনেই তৃণমূল কংগ্রেসের সদস্য। সঞ্জীব দাস নামে এক ব্যক্তির অভিযোগের ভিত্তিতে দু'জনকে গ্রেফতার করেছে পুলিশ। টাকার বিনিময়ে কলেজে ভর্তি রাখতে এরপরই ব্যবস্থা নেওয়ার নির্দেশ দিয়েছেন মুখ্যমন্ত্রী মমতা বন্দ্যোপাধ্যায়।

গত সপ্তাহে তৃণমূল কংগ্রেসের কোর কমিটিতে কলেজে ভর্তির সময় টাকা নেওয়ার প্রসঙ্গ ওঠে। সেই সময় দলের ছাত্র সংগঠনের সদস্যদের সাবধান করে দেন মুখ্যমন্ত্রী। তার পরেও একাধিক কলেজে এই ধরনের অভিযোগ আসায় তিনি অত্যন্ত ক্ষুব্ধ। সেই কারণে কড়া পদক্ষেপ গ্রহণ করেছেন তিনি।

রবীন্দ্র মুক্ত বিদ্যালয়ের মাধ্যমিক পরীক্ষায় দেদার টুকলি

নিজস্ব প্রতিনিধি, জলপাইগুড়ি : রবীন্দ্র মুক্ত বিদ্যালয়ের মাধ্যমিক পরীক্ষায় দেদার টুকলি। ঘটনাটি ফনীন্দ্র বিদ্যালয়ের ঘটনা। বেশ কয়েকজন পরীক্ষার্থীর পরীক্ষা বাতিল করা হবে বলে জানান স্কুলের সহকারী প্রধান শিক্ষক যীরেন বস্পটি অভিযোগ, পরীক্ষা শুরু পর থেকেই পরীক্ষার্থীদের একটা বড় অংশ টুকলি করতে চালু করে। একপ্রকার বই খুলে পরীক্ষা দিতে থাকে পরীক্ষার্থীরা। সঙ্গে মাইক্রো জেরক্স তো ছিলই।

শিক্ষকেরা পরীক্ষার্থীদের টুকলি করা থেকে বাধা দিলে পরীক্ষার্থীদের সঙ্গে গুণ্ডাগোলের সৃষ্টি হয়। পুলিশ পরিস্থিতি এসে সামাল দেয়। অভিযোগ, যে সকল পরীক্ষার্থীরা নকল করতে বাধা দেওয়া হয়েছে তারা পাল্টা হুমকি দেয় শিক্ষকদের।

যারা নকল করছিল সেইসব পরীক্ষার্থীর পরীক্ষা বাতিল করা হবে বলেও জানা গিয়েছে। তবে স্কুলের সহকারী প্রধান শিক্ষক যীরেন বস্পটিকে প্রশ্ন করা হলে তিনি গুণ্ডাগোলের কথা স্বীকার করেননি। তবে স্পষ্ট জানিয়ে দেন, যারা নকল করেছে তাদের পরীক্ষা বাতিল করা হবে। তবে সেই পরীক্ষার্থীদের সংখ্যা কতজন তা এখনই বলতে চাননি তিনি।

টুকলির খবর পৌঁছাতেই ছুটে আসেন পরীক্ষা সেন্টারের দায়িত্বে থাকা কোতয়ালী থানার এস আই দুলালাচন্দ্র সেন। তিনি বলেন, “আমরা স্কুলে এলাম। অথচ যারা গুণ্ডাগোল করছিল তারা কেউ নেই। আমরা তদন্ত করছি। প্রয়োজন মনে হলে আমরা আরও নিরাপত্তা বাড়িয়ে দেব।

বাজ পড়ার ৪৫ মিনিট আগে আগাম জানতে পারবে: জাভেদ আহমেদ খান

নিজস্ব প্রতিনিধি, মালদহ: বাজ পড়ার ৪৫ মিনিট আগে আগাম খবর জানিয়ে দেবে রাজ্য সরকার।

এমনই ব্যবস্থা তৈরি হতে চলেছে। শনিবার মালদহতে এসে একুশা জানান রাজ্যের সিভিল ডিফেন্স মন্ত্রী জাভেদ আহমেদ খান। তিনি বলেন, ২০ টি সেন্টার করে পাইলট প্রজেক্ট নেওয়া হয়েছে। ২০১৭ সাল থেকে এই কাজ আমরা শুরু করেছি। আমেরিকার একটি কোম্পানি এই কাজ করেছে।

এখন কাজ চলেছে ডাটা এন্ট্রির। আমরা ওই কোম্পানিকে বলেছি তোমরা আমেরিকায় বসে কাজ করলে হবে না।

পশ্চিমবঙ্গে বসে কাজ করতে হবে। এই ব্যবস্থাটা সারা দেশের মধ্যে প্রথম পশ্চিমবঙ্গে হচ্ছে।

প্রতারণার অভিযোগে গ্রেফতার ১ যুবক

নিজস্ব প্রতিনিধি, রায়গঞ্জ: রায়গঞ্জ থানার পুলিশের সাহায্যে আট লক্ষ টাকা গ্রেফতার করল আসাম পুলিশ জানতে পারে এ রাজ্যের উত্তর দিনাজপুর জেলায় রায়গঞ্জের এক আত্মীয়ের বাড়িতে লুকিয়ে আছে অভিযুক্ত ব্যক্তি।

আসাম পুলিশ রায়গঞ্জ থানার পুলিশের সাথে যোগাযোগ করে। সেই মত স্থানীয় কাউন্সিলর ও থানার পুলিশ বরণ বন্দ্যোপাধ্যায়ের সাথে যোগাযোগ করে হানা দেয় অভিযুক্তের আত্মীয়ের বাড়িতে। সেখানেই অভিযুক্তকে গ্রেফতার করে। তার কাছ থেকে উদ্ধারও



করা হয় আট লক্ষ টাকাও। টাকা সহ ধৃত ব্যক্তি বিষ্ণুকে আসাম পুলিশের হাতে তুলে দেয় রায়গঞ্জ থানার পুলিশ।

মাঠ থেকে উদ্ধার অসংখ্য মৃত সোনা ব্যাঙ

নিজস্ব প্রতিনিধি, বালুরঘাট: পা পেছনের অংশ কেটে নেওয়া অবস্থায় মাঠ থেকে উদ্ধার অসংখ্য মৃত সোনা ব্যাঙ। পিকনিক করতে বিশেষ প্রজাতির ব্যাঙগুলিকে হত্যা করা হয়েছে বলে দাবি আউনি বার্ডস অ্যান্ড এনভায়রমেন্ট প্রটেকশন সমিতির। ঘটনাকে কেন্দ্র করে থানায় অভিযোগ দায়ের করল বালুরঘাটের এই পরিবেশপ্রেমী সংস্থার। বন্যপ্রাণী সংরক্ষণ আইনে দোষীদের শাস্তির দাবি তোলা হয়েছে।

ঘটনার তদন্তে বালুরঘাট শহরের হাইস্কুল মাঠের (এ কে গোপালন কলোনী) এক পাশের উদ্ধার হয় অসংখ্য মৃত সোনা ব্যাঙ এর দেহের অর্ধেকাংশ। পা থেকে পেছনের অংশ কেটে নেওয়ার পর, কেউ

বা কাহার প্রাণীগুলিকে ফেলে দিয়েছে বলে অনুমান। বিষয়টি নজরে আসতেই একে একে ভিড় করতে থাকেন সাধারণ মানুষ।

পরে ওই সংস্থার পক্ষ থেকে বালুরঘাট থানায় লিখিত অভিযোগ দায়ের করা হয়। আউনি বার্ডস এণ্ড এনভায়রমেন্ট প্রটেকশন সমিতির বিশ্বজিৎ বনাক বলেন, এলাকার এক বাসিন্দা মারফৎ তিনি জানতে পারেন সোনা ব্যাঙ কেটে ফেলে রাখার খবরটি। সেখানে গিয়ে দেখতে পান নির্মমভাবে বিশেষ প্রজাতির প্রাণীগুলিকে হত্যা করা হয়েছে। এলাকার পশ্চিম প্রান্তে পিকনিক চলছে রাতভর। যার চিহ্ন স্পষ্ট। এইভাবে প্রাণী হত্যার ঘটনায় দোষীদের শাস্তির দাবি তাদের।

প্রকাশিত হল গৌড়বঙ্গ বিশ্ববিদ্যালয়ের স্নাতকস্তরের ফল পাট-থ্রি বিএ, বিএসসির ফল

নিজস্ব প্রতিনিধি, মালদহ : প্রকাশিত হল গৌড়বঙ্গ বিশ্ববিদ্যালয়ের স্নাতকস্তরের পাট-থ্রি বিএ, বিএসসির ফল। সবক্ষেত্রেই মেয়েরাই এগিয়ে। পাশের বেড়েছে গত বছরের তুলনায় ৫ শতাংশ। এবছর পাশ করেছে ৮৫.২৮ শতাংশ। গতবারে ৪০.৩০ শতাংশ। মোট পরীক্ষার্থীর সংখ্যা ছিল ৫,৪৮৫। তার মধ্যে পাশ করেছে ৪,৬৭৮। যার মধ্যে ছাত্রীর সংখ্যা ২,৪৯২। পাশের হারে ছেলেদেরকে হারিয়ে দিয়েছে মেয়েরা। মহিলাদের পাশের হার ৮৬.৩২ শতাংশ। যেখানে ছাত্রদের পাশের হার

৮৪.১০ শতাংশ। প্রথম বিভাগে পাশ করেছে ৫২৬ জন। এখানেও টেকা দিয়েছে মেয়েরা। ২৭৩ জন ছাত্রী পাশ করেছে প্রথম বিভাগে এবং ২৫৩ জন ছাত্র পাশ করেছে। ফল প্রকাশ করে গৌড়বঙ্গ বিশ্ববিদ্যালয়ের উপাচার্য স্বাগত সেন জানান, ২৪ দিনের মাথায় আমরা ফল প্রকাশ করতে পেরেছি। এ বছর পঞ্চায়েত নিবাচন গিয়েছে। এর জন্য কিছুটা আমাদের সময় লেগেছিল। তা সত্ত্বেও পরীক্ষা শেষ হওয়ার ২৪ দিনের আমরা ফল প্রকাশ করতে পেরেছি।

পাক খ্রিস্টানদের নিরাপত্তায় নজিরবিহীন পদক্ষেপ ভ্যাটিকানে

ভ্যাটিকান, ৩০ জুন: পাকিস্তানে বসবাসকারী খ্রিস্টানদের উপর অত্যাচার বেড়েই চলেছে। আর সেই অত্যাচার বন্ধ করতে এবার কুশলী পদক্ষেপ গ্রহণ করলেন পোপ ফ্রান্সিস। পাকিস্তানে বসবাসকারী খ্রিস্টানদের স্বার্থ রক্ষার্থে আর্চ বিশপ যোশেফকে বাড়তি ক্ষমতা দেওয়া হয়েছে। পরিসংখ্যান বলছে, পাকিস্তানে বর্তমানে প্রায় ২৫ লক্ষ খ্রিস্টান রয়েছে। গত ডিসেম্বর থেকে তাদের উপরে অত্যাচারের তীব্রতা বৃদ্ধি পেয়েছে। সন্ত্রাসবাদীরা বিভিন্ন সময়ে তাদের উপরে আক্রমণ হানছে। এর ফলে বেশ কয়েকজন খ্রিস্টান ধর্মান্বলম্বী মানুষ গুরুতর জখম হয়েছেন।